

kgum hoigiak ga ash ga Haik ga gun-wäldit ā shimhoudikshit.

6 Awil althga gaulth da'aklthk gulth circumcison ligi wha circumcison ā hokshk gut gish Christ Jesus; yagai ksha shimhoudikshit ā halthalsh dida shiebunshk ga gunwāl dit.

7 Nha ām na wila golth shimt; na-t'in shā shga makshk ga shim ma gun shim wha wā'ansh ga shimhou ga?

8 Althga di wātē gut hadāla ga shim gwa ash ga nat in hūkhūitk ga shim ga.

9 Zōshgum gunshagiadishk ga t'in tkā giin tkāni dit.

10 Waiyauksh-ga-nū dā gwashim ash ga Miyān ga, ā dum wha gik lukshgiadum di wila gagaud shimt: ada alt niadit gūt in lūshawanwantk ga gagaud shimt dum lip wāl di dum gundapsha dit, zō zē ligit lip nā'at.

11 Ada alt nūyūt, waikia, ami n'za ash shagou m'malthilth circumcison, gaulth gun al ashi lūshūwil-intk gi? Nī gun ltha gilauunth ga na lthimgushgosh di gish ga guzāk ga.

12 N'lth wālth da wha lipgeluksh kza-gushgoshk gut gūt in sha hash-hoshk ga shim.

13 Awilt nūshimt, waikia, nha hūkhūitksha dida dum wil lipgiat shimt; ada am gilau nī za gun lip wila wā'untk ga shamet yagai shiebunshk gulth gun na hakhalthalsha shima nagazōu shimt.

14 Awil tkāni wilalau lūhoigiaguntk ga dida gūel da algiagut, nini gwa; Dum gup shiebun shila giadun niwāldit lip nūgunt.

15 Ada al amiza n'lthālthaga shim diltē za na gipgaba shim, ām shim nisht dum n'ziltzalthin shimt.

16 Ada houyū shim, Gwiltē liyāk gish ga Haik ga, nini ma dum shim gun lūhoigiagun nahagaum shamet.

17 Awilt libiltwālt ga da naha-

gaum shāme Haik ga, ada di wālsh ga Haik ga shamet; āwil n'libiltwāldash dūp gwa; dum wil wha wālshim da gau hashāshak shimt.

18 Ada al ami zit dādēuntk ga shim Haigut, althga gik kshlthū shim ā wilalaut.

19 Wai, ālūdā na hakhalthalsha shamet, nini gwa; whagagaudit, whati shakshk (ga dit) hadagum naha-gaumt.

20 Gigiengwāklthum tkulzipzabut, haldougiadit, n'libālgut, na-gahou-undiif, geshkgum gagaudit, lthikl-thūundi, n'libiltwāl dit, bishbashtuk gut, gwiltē nā shim daltēdaltēit,

21 Lūqulthi-gabashgum gaudit, gāklām, hadadagum lūalgiadit, diltē gup ligi lip gawāl ga gwit; gū nini na wil gwildum plāū shimt, niwālda na ltha (gwildum) malth di da gwa-shim ash nā wāl dida niwālda gau gwit althga dum di gishiyāsh ga na kingdomsh ga Shimoigiat ga Lak-gish dupniat.

22 Ada al gwai na di maish ga Haik ga, shiebunshk gut, gunlth-gwishgiūt, gungiakshit, dik gaudit, ama giadit, āmt, shimhoudikshit.

23 Mau'ukgum gaudit, lipgeluksh gugalāt gut; althga dit libilt wāltk ga da wilalau gwit.

24 Ada nā na giansh Christ Jesusit lthat in liyeza shamet diltē na 'aba-gushk ga dit diltē hadadagum nahagaumt ash ga lak guzāk ga.

25 Amiza ha-dildōlshum ash ga Haik ga, shū'un nī-za gik wil wālukshim ga Haik ga.

26 Shū'unza wha shgatgum guksh-tiyāwagum, za ligi na giakgēagum, za ligi n'lūdū'm gagaudum.

CHAPTER VI.

1 Waikia, zō za ligi gidi-gātk gulth ligi giat alth ligi gishum wāl;